

Na osnovu člana 61. stav (2) Zakona o upravi ("Službeni glasnik BiH, br. 32/02, 102/09 i 72/17), člana 6. Instrukcije o postupku zaključivanja ugovora o djelu Ministarstva za ljudska prava i izbjeglice Bosne i Hercegovine broj: 01-02-2-1969-1/20 od 12. 10. 2020. godine, i zaključka sa 142. sjednice Vijeća ministara Bosne i Hercegovine od 15. 5. 2018. godine, Ministarstvo za ljudska prava i izbjeglice Bosne i Hercegovine objavljuje

## **JAVNI POZIV**

### **za prikupljanje prijava za angažman vanjskih saradnika u Izbjegličko-prihvatnom centru „Salakovac“ i Readmisionom centru u Mostaru za 2021. godinu**

Naručilac posla, Ministarstvo za ljudska prava i izbjeglice Bosne i Hercegovine (u daljnjem tekstu: Ministarstvo) poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu sa vanjskim saradnicima za rad u Izbjegličko-prihvatnom centru „Salakovac“ i Readmisionom centru u Mostaru.

Ugovori se zaključuju na period od 1. 1. 2021. do 31. 12. 2021. godine, s mjestom rada u Izbjegličko-prihvatnom centru „Salakovac“ i Readmisionom centru u Mostaru (u daljem tekstu: Centar).

Potencijalni kandidati ne mogu biti državni službenici, zaposlenici, niti angažovani kao vanjski saradnici ili eksperti na drugim projektima.

Izabrani vanjski saradnici biće angažirani u skladu sa opisima poslova kako slijedi:

**1. Administrativni radnik (1 izvršilac)** vodi službene evidencije, primjenjuje osnove kancelarijskog poslovanja, vrši arhiviranje akata u Centru, ažurira baze podataka o korisničkoj populaciji, prati statusne potrebe korisnika, te obavlja sve druge administrativne poslove za potrebe funkcionisanja Centra.

Kandidat treba ispunjavati slijedeće uslove:

- Državljanstvo BiH,
- SSS,
- najmanje 6 mjeseci radnog iskustva na istim ili sličnim poslovima,
- poznavanje rada na računaru.

**2. Radnik na obezbjeđenju u centru (8 izvršilaca)** obavlja poslove obezbjeđenja Centra, vrši najavu i prijem stranaka koje dolaze u Centar, vrši uvid u odobrenja za ulazak u Centar međunarodnih i domaćih NVO, obavještava nadređene o saznanjima o izvršenju krivičnih djela ili narušavanju javnog reda i mira u Centru i obavještava nadležnu policijsku upravu.

Kandidati trebaju ispunjavati sljedeće uslove:

- Državljanstvo BiH,
- SSS,
- najmanje 6 mjeseci radnog iskustva na istim ili sličnim poslovima,
- vozačka dozvola B kategorije,
- poželjno posjedovanje certifikata za fizičku zaštitu.

**3. Domar (1 izvršilac)** redovno nedgleda ispravnost instalacija, održava vodo i elektroinstalacije, obavlja jednostavne stolarske poslove.

Kandidati trebaju ispunjavati sljedeće uslove:

- Državljanstvo BiH,
- SSS,
- najmanje 6 mjeseci radnog iskustva na istim ili sličnim poslovima.
- 

**4. Higijeničar (1 izvršilac)** obavlja poslove održavanja higijene u svim zajedničkim prostorijama Centra, vrši nadzor nad čistoćom prostorija korisnika Centra, stara se o blagovremenoj opskrbi prostora higijenskim sredstvima, provodi preporuke nadležnih kriznih štabova u vezi sa epidemiološkom situacijom.

Kandidati trebaju ispunjavati sljedeće uslove:

- Državljanstvo BiH,
- SSS,
- najmanje 6 mjeseci radnog iskustva na istim ili sličnim poslovima.

**5. Skladištar (1 izvršilac)** preuzima nabavljenu robu, materijal i druga sredstva, brine za njihovo skladištenje, priprema listu za mjesečni raspored i distribuciju hrane za potrebe korisnika Centra, vodi skladišnu kartoteku i druge potrebne evidencije, vodi brigu o evidencijama i stanju osnovnih sredstava u Centru.

Kandidati trebaju ispunjavati sljedeće uslove:

- Državljanstvo BiH,
- SSS,
- najmanje 6 mjeseci radnog iskustva na istim ili sličnim poslovima.

Ugovor sa izvršiocima posla se zaključuje sa Ministarstvom za ljudska prava i izbjeglice BiH. Naknade za vanjske saradnike u Izbjegličko-prihvatnom centru „Salakovac“ i Readmissionom centru u Mostaru finansiraju se iz sredstava UNHCR-a koja su osigurana kroz Podprojekat „Podrška izbjeglicama i drugim osobama od interesa u Bosni i Hercegovini“ za 2021. godinu.

**Prijave sa biografijom i dokumentima** kojima se dokazuje ispunjavanje uslova iz javnog poziva dostavljaju se putem pošte ili lično na adresu:

**Ministarstvu za ljudska prava i izbjeglice Bosne i Hercegovine**

**Trg BiH 1**

**71000 Sarajevo**

Sa naznakom: **„Za javni poziv za prikupljanje prijava za angažman vanjskih saradnika u Izbjegličko-prihvatnom centru „Salakovac“ i Readmisionom centru u Mostaru“.**

Prijave se dostavljaju u roku od 8 dana od dana objavljivanja na internet stranici [www.mhrr.gov.ba](http://www.mhrr.gov.ba).

Broj:

Sarajevo, 3. 12. 2020. godine

**MINISTAR**

**Miloš Lučić**